



Taofia aloaia seia aulia le 5am, 8 Fepuari 2022

Ua amatalia se suesuega tele i aafiaga o le COVID-19 i Aotearoa

O le asō na tatala ai e le Te Herenga Waka—Victoria University of Wellington le amataina aloaia o se suesuega i le atunuu atoa e iloilo ai aafiaga o le COVID-19 i tagata i Aotearoa Niu Sila.

O le suesuega o “Impacts of COVID-19 in Aotearoa—Ngā Kawekawe o Mate Korona” ua faatupeina e le Matagaluega o Soifua Maloloina, e faamoemoe e suesueina tagata mai le 16 tausaga le matutua ma luga atu o ē na aafia i le COVID-19, pe na masalomia na aafia, a o lei aulia le aso 1 Tesema 2021.

E latalata i le 9,000 tagata ua agavaa o le a tuuina atu i ai se tusi ma se feau tusitusia i le telefoni i le isi lua vaiaso a sau, e valaauliaina e auai i le suesuega e faia i luga o le initaneti e faailoa ai tulaga o le COVID-19 na feagai ma i latou faapea ai ma auaunaga faasoifua maloloina na latou maua.

E taitaia le suesuega e Dr Lynne Russell (Ngāti Kahungunu, Rangitāne, Kāi Tahu, Ngāti Porou) ma Dr Mona Jeffreys, e faauluulu i ai se vaega o tagata suesue, ma o le toatele o le ausuesue e mai vaega o le lunivesite o le Te Hikuwai Rangahau Hauora—Health Services Research Centre. O Dr Marianna Churchward (Lotofaga, Faleasiu, Samoa) na te taitaia le itu o le suesuega e patino i le Pasifika.

“Matou te mananao ia toatele ni tagata e mafai ona auai i le suesuega ina ia mafai ai ona matou malamalama i tulaga o le COVID-19 na feagai ma i latou ma iloilo tulaga na aogā ai auaunaga na latou maua,” o le saunoaga lea a Dr Russell.

E tele faatalatalanoaga ma i latou ua toe malolosi mai le COVID-19 o le a faatino o se vaega o le suesuega.

O le a faaagā malamalamaga sa'o na maua mai le suesuega e saunia ai fautuaga e tuuina atu i le Matagaluega o Soifua Maloloina i auala e atili faaleleia ai le fesoasoani mo tagata ua aafia i le COVID-19 ma faaleleia atili ai auaunaga faasoifua maloloina i le lumanai.

E fā vaega o le a taula'i i ai fesili e tali e tagata o le a auai:

- o le fesoasoani na latou maua (ma na faamalieina ai) i le uluai taimi na faamaonia ai ua aafia i le COVID-19, ma tulaga na aafia ai faapea o latou aiga.
- tulaga na feagai ma i latou ina ua aafia i le COVID-19 ae pe na faape'i mai le tulaga o auaunaga faasoifua maloloina na latou maua
- o tupe faaalu ona o le COVID-19 mo i latou faapea o latou aiga, ma tagata (pe afai o se tulaga lea na iai) na fesoasoani i le tausiga o i latou
- o le Long COVID ma āuga o afaina ai pea lo latou soifua maloloina ina ua silia ma le uluai masina talu ona pesia i le siama.

Na saunoa Dr Russell o aafiaga o le COVID-19 i tagata Māori, tagata Pasifika ma i latou e iai manaoga faapitoa, o le taula'iga autū lea o le suesuega.

O se tasi o sui ua mae'a ona sainsi e auai i le suesuega lenei o Jenene Crossan, o le tagata lona 37 na aafia i le faama'i i Aotearoa, ma o se tasi o le toafā na aafia i le COVID-19 o loo fautuaina le vaega o le ausuesue.

Na faamaonia i siaki ua aafia Jenene i le COVID-19 i le 2020 ma e talu mai lena o loo maua pea i āuga o le Long COVID. O loo faamalosiāu lenei tamaitai i isi tagata na aafia i le COVID-19 ina ia auai i le suesuega.

“O le lelei o lo tatou tutū faatasi e malamalama i aafiaga o le siama i o tatou tagata, o le lelei atili foi lena o auala tatou te fesoasoani ma puipuia ai a tatou fanau ma aiga.”

O le faaleo o tulaga nei e “ono faigata, peitai o le mea e tataua ona fai, ma e talosia o se faamanuiga lea mo i latou o le a faailoa tulaga nei,” o le saunoaga lea a Jenene.

Saunoa Dr Jeffreys soo se faamatalaga e tuuina atu e sui auai i le vaega o le ausuesue o le a lē faalauaiteleina.

“Matou te iloa e iai nisi o le a faatalatū e faasoa faamatalaga ona o tulaga faamaasiasi faasaga i tagata ua aafia i le COVID-19. Matou te fia faamautinoa atu i sui auai o le a lē faalauaiteleina faamatalaga e maitaulia ai i latou se'i vaganā ua tuuina mai sa latou faatagana e matou te faailoa ai na faamatalaga,” o lana saunoaga lea.

A fia auai se tasi i le suesuega tagai i le <https://covid.aotearoa.com>. O le isi auala e faafesootai ai, vili le 0800 800 581 poo le imeli covid.aotearoa@vuw.ac.nz.

Mo nisi faamatalaga, faafesootai [Dr Lynne Russell](mailto:lynne.russell@vuw.ac.nz) i le lynne.russell@vuw.ac.nz poo le 022 359 8212, poo [Dr Mona Jeffreys](mailto:mona.jeffreys@vuw.ac.nz) i le mona.jeffreys@vuw.ac.nz poo le 027 418 7455, poo Dr Marianna Churchward i le marianna.churchward@vuw.ac.nz poo le 027 727 3870.

E maua foi nisi faamatalaga mai ia i latou o aofia i le suesuega i le [itulau lenei](#).

Suesuega Fesili & Tali

F: O le ā le auga o lenei suesuega?

T: O le suesuega “Impacts of COVID-19 in Aotearoa—Ngā Kawekawe o Mate Korona” e faamoemoe ia maua se malamalamaaga i tulaga na feagai ma tagata na aafia i le COVID-19 poo i latou na masalomia ua aafia. E fia iloa e le ausuesue aafiaga o le COVID-19 i le soifua maloloina ma le soifua manuia o tagata taitoatasi nei ma o latou aiga.

Mātau mai: o se "tasi e masalomia ua aafia" o se tagata atonu na maua i le COVID, ona o āuga ma fesootaiga i se tasi na iloa ua aafia, peitai e lei faamaonia lea tulaga i siaki (talua ai e lei faia se siaki a le tagata pe sese le aumaiga o le iuga o le siaki e faapea e lē o aafia).

F: O ai e mafai ona auai?

T: E mafai ona auai soo se tasi i Niu Sila ua atoa le 16 tausaga le matua ma luga atu, ma na aafia i le COVID-19—pe na masalomia ua aafia—a o lei aulia le aso 1 Tesema 2021. E aofia ai tagata sa aafia i le amataga mai o le salalau o le faama'i i le lalolagi pe talu ai nei, faapea ai ma tagata na pesia i le COVID-19 i atunuu mamao a o lei toe foi mai i Aotearoa Niu Sila.

F: E faapefea ona ou auai?

T: E mafai e tagata ua agavaa ona faatumu suesuega i le <https://covid.aotearoa.com>. E fā suesuega e fai: e tele suesuega e filifili i ai sui auai e faatino poo le faatino na o suesuega e talafeagai ma i latou. E mafai foi e tagata o fia auai ona vili le 0800 800 581 pe imeli le covid.aotearoa@vuw.ac.nz.

F: O le ā le mea o le a tupu i faamatalaga a tagata e auai i le suesuega?

T: O le a malupuipua lelei le teuina o faamatalaga a tagata e auai. Na o sui o le vaega o le ausuesue latou te mafai ona maua faamaumauga. E leai ma se isi o sui auai o le a mafai ona maitaulia i nisi o iuga, se'i vaganā na tuuina mai le faatagana a le tagata e faailoa ai faamatalaga nei.

F: O le a faapefea ona faaaogā iuga na maua?

T: O le a faaaogā iuga o le suesuega e saunia ai fautuaga e tuuina atu i le Matagaluega o Soifua Maloloina i auala e atili faaleleia ai le fesoasoani mo tagata ua aafia i le COVID-19.

F: O ai o loo faatupeina le suesuega?

T: Ua faatupeina le suesuega e le Matagaluega o Soifua Maloloina. E \$1.2 miliona le aofaiga tupe, e faagaioia mo le 12 masina, ua tuuina atu i le Te Herenga Waka—Victoria University of Wellington mo le suesuega. O le Te Hikuwai Rangahau Hauora—Health Services Research Centre, le vaega o le lunivesite o le Te Wāhanga Tātai Hauora—Faculty of Health, e taitaia le suesuega.

Saunia e le Te Herenga Waka—o le taitai faufautua a le Victoria University of Wellington—polokalame tau faasalalauga Jessica Wilson: jessica.m.wilson@vuw.ac.nz poo le 021 837 742

Fesootaiga ma le lunivesite i le [Facebook](#), [Instagram](#), [LinkedIn](#) ma le [Twitter](#)

University name: The University's full name is Te Herenga Waka—Victoria University of Wellington. Where space constraints require our name to be abbreviated, please retain the word 'Wellington' to ensure our location is clear to readers.

**CAPITAL THINKING.
GLOBALLY MINDED.**
MAI I TE IHO KI TE PAE